



Broj/Број: 1/4-50- 1-66-34/05
Sarajevo/Сарајево: 12.5.2005.

ZAPISNIK

34. sjednice Komisije za finansije i proračun Zastupničkog doma Parlamentarne skupštine BiH koja je održana 12.5.2005., u vremenu od 10.00 do 12.15 sati.

Sjednici su nazočili članovi Komisije: Ljiljana Milićević, Ruža Sopta, Beriz Belkić, Fatima Leho, Dušanka Majkić, Hazim Felić, Marija Perkanović i Zlatko Lagumdžija.

Sjednici iz opravdanih razloga nije bio nazočan Abdulah Nakaš.

Sjednici su nazočili i gosti: Jusuf Kumlić, Zekira Muratović iz Ministarstva finansija i trezora, Muharemović Mehmedalija i Rakovac Senada, predstavnici JP NIO "Službeni list BiH", Sanja Stanojević iz OHR-a, predstavnici medija, te Nevenka Savić i Milan Zajajić, tajnici komisija. Sjednicom je predsjedavala Ljiljana Milićević.

Za raspravu na sjednici predložen je sljedeći:

DNEVNI RED:

1. Verficiranje zapisnika 32.sjednice Komisije;
2. Razmatranje Prijedloga zakona o zaduživanju, dugu i garancijama Bosne i Hercegovine sukladno članku 95.3. Poslovnika (predlagatelj: Vijeće ministara BiH);
3. Razmatranje Izvješća o finansijskom poslovanju po Godišnjem obračunu za period 1.1. do 31.12.2004. JP NIO «Službeni list BiH»;
4. Razmatranje Informacije Vijeća ministara BiH i Upravnog odbora Uprave za neizravno oporezivanje o Zakonu o trošarinama i Zakonu o porezu na promet proizvoda i usluga, broj 06-07-442/9-05 od 15.4.2005.

Dnevni red usvojen je jednoglasno.

Ad.1. Verficiranje zapisnika 32.sjednice Komisije

Zapisnik 32. sjednice članovi Komisije jednoglasno su verificirali.

Ad.2. Razmatranje Prijedloga zakona o zaduživanju, dugu i garancijama Bosne i Hercegovine sukladno članku 95.3. Poslovnika (predlagatelj: Vijeće ministara BiH)

Jusuf Kumalić i Zakira Muratović dali su uvodne napomene o Prijedlogu zakona o zaduživanju, dugu i garancijama Bosne i Hercegovine koji Komisija ponovo razmatra. Prilikom prethodne rasprave u komisijskoj fazi, Komisija Prijedlog zakona nije usvojila iz razloga koji su poznati članovima Komisije. Naglasili su potom da daju podršku amandmanima Nikole Špirića, te da ne podržavaju amandmane koje je dostavio Momčilo Novaković.

Ljiljana Milićević pojasnila je nazočnim da se ovaj zakon razmatra sukladno članku 95.3 Poslovnika, na temelju zaključka Zastupničkog doma, kojim je prijedlog zakona vraćen mjerodavnoj komisiji na ponovno razmatranje i odlučivanje. Potom je otvorila raspravu o principima Prijedloga zakona.

Beriz Belkić istaknuo je da je o Prijedlogu zakona već prethodno dosta rečeno, te da će ga podržati, kao i amandmane Nikole Špirića, koji ovom zakonu daju prihvatljivu formu.

Dušanka Majkić navela je da je Klub SNSD-a odlučio da podrži Prijedlog zakona zajedno sa amandmanima g-dina Špirića.

Ljiljana Milićević istaknula je da podržava amandmane g-dina Špirića, ali amandmani Momčila Novakovića predstavljaju suštinsku popravku ovog zakona, tako da će ih podržati. Prihvatanje ovih amandmana predstavljaju uvjet za njenu podršku Prijedlogu zakona. Pri tome je navela da pismo ministra Ljerkke Marić ne ide u pravcu konstruktivnog rješenja ovog pitanja.

Marija Perkanović istaknula je da se ovim zakonom nastoji prenijeti nadležnost entiteta na razinu države BiH za odlučivanje u ovoj oblasti. Očigledno je da ne postoji dobra volja za kompromis u ovom slučaju, a koja bi se ogledala u potpori amandmanima g-dina Novakovića. Stoga ona, bez prihvatanja ovih amandmana, ne može dati potporu ovom zakonu jer za to nema ovlasti.

Po okončanoj raspravi članovi Komisije usvojili su principe Zakona sa 5 glasova za i 2 glasa protiv, nakon čega je otvorena rasprava o amandmanima i Zakonu u cjelini.

Na prijedlog g-dina Belkića, o svim amandmanima izjasnili su se predstavnici Vijeća ministara, kako slijedi:

Amandman 1. Nikole Špirića usvojen je jednoglasno, u slijedećem tekstu:

U članku 13. Zakona brisati drugu rečenicu i dodati tekst:

“Centralna banka, uz odobrenje Ministarstva, može osigurati listing vrijednosnih papira Bosne i Hercegovine na berzama oba entiteta. S tim u svezi, vrijednosni papiri Bosne i Hercegovine bit će predmet propisa koji se odnose na uvjete listinga i procedura trgovanja na entitetskim berzama od strane komisija za vrijednosne papire.”

Amandman 2. Nikole Špirića usvojen je jednoglasno u slijedećem tekstu:

U stavku (1) članka 17. točka d) mijenja se i glasi:

“Kako bi omogućili uspostavljanje aktivnog sekundarnog tržišta i proširili pristup sustavu elektronske evidencije, Centralna banka tražit će listing vrijednosnih papira Bosne i Hercegovine s entitetskih berzi, koji su predmet uvjeta entitetskog listinga, te omogućiti i dozvoliti trgovinu vrijednosnim papirima izravno između komercijalnih banaka i ostalih učesnika na sekundarnom tržištu na način kako to odredi Centralna banka, što je predmet odgovornosti Centralne banke za oprezno provođenje poravnanja i kliringa svih vrijednosnih papira Bosne i Hercegovine.”

Stavak (2) članka 17. mijenja se i glasi:

“Centralna banka će, ukoliko se time ne umanjuje efikasnost, koristiti postojeću infrastrukturu za obavljanje poslova iz stavka (1) ovog članka. S tim u svezi, Centralna banka se, uz odobrenje Ministarstva, slaže da imenuje postojeće registre entiteta da djeluju kao njeni agenti s ciljem uspostavljanja sustava elektronske evidencije. Obveze i odgovornosti registara entiteta definirat će se odvojenim agentskim sporazumima. Centralna banka može imenovati jednog ili više agenata koji će vršiti poslove iz stavka (1) ovog članka.”

Amandman 1. Momčila Novakovića, nije prihvatljiv za predstavnike Vijeća ministara, i odbijen je sa 2 glasa za i 5 glasova protiv.

Amandman 2. Momčila Novakovića, nije prihvatljiv za predstavnike Vijeća ministara, i odbijen je sa 2 glasa za, 5 glasova protiv i 1 uzdržanim glasom.

Amandman 3. Momčila Novakovića, nije prihvatljiv za predstavnike Vijeća ministara, i odbijen je sa 2 glasa za, 4 glasa protiv i 2 uzdržana glasa.

Amandman 4. Momčila Novakovića, nije prihvatljiv za predstavnike Vijeća ministara, i odbijen je sa 2 glasa za, 4 glasa protiv i 2 uzdržana glasa.

Amandman 5. Momčila Novakovića, nije prihvatljiv za predstavnike Vijeća ministara, i odbijen je sa 3 glasa za, 4 glasa protiv i 1 uzdržanim glasom.

Amandman 6. Momčila Novakovića, nije prihvatljiv za predstavnike Vijeća ministara, i odbijen je sa 2 glasa za, 4 glasa protiv i 2 uzdržana glasa.

Nakon okončane rasprave o amandmanima, Komisija je sa 5 glasova ‘‘za’’, 2 glasa ‘‘protiv’’ i 1 ‘‘uzdržanim’’ glasom prihvatila tekst Prijedloga zakona o zaduživanju, dugu i garancijama Bosne i Hercegovine s usvojenim amandmanima Nikole Špirića, i uputila ga u dalju parlamentarnu proceduru s prijedlogom za usvajanje Domu.

Ad.3. Izvješće o finansijskom poslovanju JP NIO ‘‘Službeni list BiH’’ po Godišnjem obračunu za period 1. siječanj do 31. prosinca 2004.

Mehmedalija Huremović i Senada Rakovac dali su uvodne napomene o Izvješću o finansijskom poslovanju JP NIO ‘‘Službeni list BiH’’ po Godišnjem obračunu za period 1. siječanj do 31. prosinac 2004.

U potom otvorenoj raspravi učestvovali su **Ruža Sopta, Fatima Leho i Beriz Belkić**.

U toku rasprave uočeno je da pojedini materijali, greškom nastalom umnožavanjem, ne sadrže sve stranice Izvješća, te je kompletiran materijal za sve članove Komisije. Poslije toga je konstatirano da bilans uspjeha ne sadrži podatke o rashodima. Ovaj nedostatak predstavnici predlagatelja su otklonili tako da su nedostajući podaci umnoženi za sve nazočne.

Fatima Leho potencirala je pitanje rješavanja statusa ovog javnog preduzeća i pitanje aktueliziranja ranijeg zaključka Komisije i Doma o korištenju raspoložive dobiti u visini od 2 miliona KM u korist Fonda za povratak.

Nakon provedene rasprave Komisija je jednoglasno, cijeneći uspješnost poslovanja prihvatila Izvješće, i uputila u dalju parlamentarnu proceduru, s prijedlogom za usvajanje.

Komisija je također usvojila i predložila Domu da uz Izvješće usvoji i slijedeće **zaključke**:

1. Traži se od Vijeća ministara BiH da okonča aktivnosti na konačnom definiranju pravnog statusa JP NIO "Službeni list BiH"
2. Traži se od Vijeća ministara BiH da razmotri mogućnost i zauzme stav o tome da se imobilisana-oročena sredstva u iznosu oko 2.000.000 KM za period do kraja 2003. i dobit iz 2004. u iznosu od 859.000 KM usmjere u Fond za povratak izbjeglica i raseljenih osoba, imajući na umu procjenu budućih aktivnosti JP NIO "Službeni list BiH" i očekivanih prihoda. Ovo je ponovljeni zaključak Komisije, usvojen od Zastupničkog doma prilikom razmatranja Izvješća JP NIO "Službeni list BiH" za 2003.

Ad.4. Razmatranje Informacije Vijeća ministara BiH i Upravnog odbora Uprave za neizravno oporezivanje o Zakonu o trošarinama i Zakonu o porezu na promet proizvoda i usluga, broj 06-07-442/9-05 od 15.4.2005.

Beriz Belkić istaknuo je nesklad naziva ove točke dnevnoga reda sa dostavljenim materijalom, te naglasio da je Ustavno-pravna komisija već sačinila tumačenje o navedenim zakonima.

Ljiljana Milićević je očekivala nazočnost predstavnika predlagatelja zakona na ovoj sjednici. Dalje je navela da je vidljivo iz dopisa UNO-e da su urađene izmjene i dopune Zakona o trošarinama i Zakona o porezu na promet proizvoda i usluga, s tim da nema informacije o trenutnom statusu tih materijala. Zbog nedostatka informacije koja je trebala biti dostavljena u pisanoj formi ili prezentirana na samoj sjednici Komisije, predložila je da se ova točka skine s dnevnog reda.

Zlatko Lagumdžija istaknuo je alarmantnost situacije u svezi štovanja usvojenog zaključka Doma kojim je Vijeće ministara BiH obavezano da izradi izmjene i dopune navedenih zakona u točno utvrđenom roku. Također je istaknuo da Vijeće ministara nije u mogućnosti ići s implementacijom Zakona o PDV-u u utvrđenom roku, te je izmjenu roka njegove primjene

neophodno legalizirati putem izmjene tog zakona. Iz navedenih razloga zatražio je da Vijeće ministara pripremi cjelovitu informaciju o cijelokupnom setu navedenih pitanja, te zatražio i odgovornost Vijeća ministara.

Beriz Belkić naglasio je nepostojanje komunikacije Vijeća ministara s Komisijom, te istaknuo da se izmjene i dopune navedenih zakona ne trebaju razmatrati sukladno članku 105. Poslovnika.

Nakon okončane rasprave članovi Komisije jednoglasno su skinuli ovu točku s dnevnoga reda, s obzirom da nije dostavljena Informacija u pisanoj formi, niti je osigurana nazočnost predstavnika Vijeća ministara koji bi obrazložio navedena pitanja.

Zapisnik sačinila:

Dragica Hinić

Predsjedatelj Komisije:

Ljiljana Milićević

